

# Na Abrahama – Kabaret rak

Erich wzion tydzień urlopu z werku  
Zrobił krupnioków i frankfuterków  
Piwo zamówił tyż „U Augusta”,  
Bydzie fajrowoł w czwortek gyburstag

Zmiyszol gorzołka z malcym do smaku,  
W garcu rozrobiol ajerkoniaku  
Rozloł do flaszek i zafropowol,  
Jedna se flaszka na boku schowol

Na Abrahama, na Abrahama  
Erich w gyszynku dostol pizama  
I choć mu piźnie już fufcich jary  
Erich nie czuje sie wcale stary

Luci zaś dzisioj z samego rana  
Mlyko kupiyła, masło, śmietana,  
A teroz do dom leci już gibko,  
By zdążyć upiyc kołocz z posypką

Dym fest sie snuje z komina w gora  
Pewnie rozgrzono jest już bradrura  
I łogiyń w piecu ostro buzuje,  
Bo Erich wągłym z Wolfki hajcuje

Na Abrahama, na Abrahama  
Erich w gyszynku dostol pizama  
I choć mu piźnie już fufcich jary  
Erich nie czuje sie wcale stary

Luci we izbie wiyszol gardiny  
Poszwy przeblyko, wietrzy pierzyny,  
Obrus bigluje na wielkim stole,  
We szranku zmiynio kule na mole

Erich naprawio w siyni gelynder,

Klamki pucuje, z kromlojchtra sztynder  
I lojfer jeszcze na koniec wykłupie,  
Bo jutro mo być hołglanz w chałupie

Na Abrahama, na Abrahama  
Erich w gyszynku dostoł piżama  
I choć mu piźnie już fufcich jary  
Erich nie czuje sie wcale stary

Na Abrahama, na Abrahama  
Erich w gyszynku dostoł piżama  
I choć mu piźnie już fufcich jary  
Erich nie czuje sie wcale stary



Słowa: brak danych  
Muzyka: brak danych